

## PAGESUSI GIYA 13

# Gikan Sa Sad-an Nga Makasasala Ngadto Sa Pinasaylo Nga Balaan

**W**alay hulma o marka sa mga tudlo. Walay bisan unsang himan (armas) nga maka discobre. Walay usa nga nakakita sa mamumuno nga misulod sa opisina sa doctor. Ni adunay usa nga nakadungog ug buto gikan sa armas. Apan ang doctor nakita nga nagbuy-od na likod sa iyang lamesa. Lima ka bala ang milapus sa iyang sinina.

Daw usa ka hingpit nga krimin. Sa una ang police wala gyud makakita ug hinungdan o temailhan. Apan dunay ilang namatikdan nga usa ka gamay nga alambre gibugkos sa holder sa lapis diha sa lamesa sa doctor. Ang holder sa lapis, ilang nahibaluan, nga adunay gitago nga microphone nga gigamit sa doctor pagrecord sa iyang conversasyon uban sa mga pasente nga iyang tambagan.

Gipaminawan dayon sa mga imbistegador ang tape, ug sa ilang kahibulong, ilang nabati ang replay sa crimin. Usa ka ginganlan ug Anthony misulod sa opisina nga nakiglalis sa doctor. Adunay tingog sa mga buto, ang tape natapus sa makalilisang nga ogumod sa doctor, nga namatay diha sa carpet sa solod.

Matag dautang binuhatan kini naka-record. Ang mamumono naghunahuna nga ang crimin iyang nahimo kini hangtud magpabilin nga tinago kon secreto siya maampingon nga walay mabilin nga tima-ilhan aron dili siya mahibaluan. Apan ang tape nagbutyag sa tibuok sugilanon.

Niini nga giya atong tun-an mahitungod sa katapusang paghukom sa Dios sa diha nga ang katawhan “pagahukman sumala sa ilang mga binuhatan nga nasulat sa mga basahon” (Pinadayag 20:12) niadtong wala pa makadawat ni Kristo nga elang manluluwas, kini dili maayong balita alang kanila. Apan ang paghukom kini maayong balita alang niadtong na kakaplag ug kasigurohan diha kang Kristo.

## 1. UNSAON NIMO PAG-ATUBANG SA HUKMANAN NGA WALAY KUKAHADLOK.

Kinsa ang maghukom sa kalibutan?

*“Ang Amahan dili magahukom kang bisan kinsa, hinonoo ang tanang paghukom gitugyan niya ngadto sa anak.” — Juan 5:22.*

Giunsa sa krus pag-andam si Kristo nga mahimog atong maghuhukom?

*Kini maoy pagpamatuod karong panahona nga siya matarong sa tawo nga may pagtoo kang Jesus.” — Roma 3:25,26.*

Ang kamatayon ni Kristo ingon nga halili kanato nakahimo kaniya sa pagbuhat sa pariho, matarong nga maghuhukom, ug maluloy-ong magpataliwala nga makapasaylo sa naghinulsol nga makasasala.

Sa dihang ang nanan-aw nga universo nangutana niini nga pangutana, “unsaon sa usa ka walay pabor-pabor nga maghuhukom. Modeklarar sa usa ka makasasala nga tawo nga dili sad-an? “Si Kristo makatubag pinaagi sa pagtudlo sa mga uwat sa iyang mga palad. Iyang nadawat ang matarong nga silot alang sa atong mga sala sa iyang kaugalingong lawas.

Ang mga libro sa langit nagpreserbar sa mga record sa matag kinabuhi sa tawo, ug kini nga mga record gitagsa-tagsa unya sa paghukom (Rev. 20:12). Mao kana ang dili maayo nga balita alang niadtong naghunahuna sa ilang tinago ug secreto nga mga sala nga dili magapahinumdan kanila. Apan adunay kahibulongang maayong balita alang sa tanan nga senciroy nagdawat kang Kristo ingon nga ilang manlalaban sa langit: “ang dugo ni Jesus... magapatli kanato gikan sa tanang sala”. (1 Juan 1:7) unsay gihanyag ni Jesus baylo alang sa atong pagkinabuhi sa Sala?

*“Tungod kanato siya nga wala makasinati ug sala gihimo niya nga sala, aron diha kaniya kita mahimong pagkamatarong nga anaa sa Dios.” — (II Copinto 5:21)*

Ang atong kinabuhi sa sala gibaylo alang sa hingpit ug matarong nga kinabuhi ni Kristo. Tungod sa kamatayon ug walay sala nga kinabuhi ni Jesus, and Dios makapasaylo kanato ug tagdon kita sama nga wala kita’y sala.

Unsay naka-angayan ni Jesus nga atong manlalaban ug maghuhukom?

## 2. SI KRISTO MIABUT SA TUKMANG PANAHON.

Sa iyang pagbautismo, si Jesus gidihog pinaagi sa Balaang Spiritu:

*“Ug sa nabautismohan na si Jesus, siya mihaw-as dayon gikan sa tubig, ug tan-awa, ug tan-awa na abli ang kalangitan ug iyang nakita ang Espiritu sa Dios nga mikunsad nga ingon ug salampati, ug mipahiluna kini diha sa ibabaw niya: ug ania karon usa ka tingog gikan sa langit nag-ingon “kini mao ang akong Anak nga pinalangga: kaniya may kalipay ako”. —(Mateo 3: 16,17)*

Nga nagasunod sa pagdihog ni Kristo pinaagi sa Balaang Spiritu sa iyang pagbautismo, ang mga tinun-an nagpahibalo:

*“Among Nakaplagan ang Misiyas (Ang Kristo).” — Juan 1:41*

Ang mga tinun-an nasayod nga ang hebreo nga pulong “Misiyas” ug sa Grego nga pulong “Kristo” pariho nagkahulugan ug “Ang usa na dinihog”.

Si Lukas ang disceplulo ni Jesus, nagrecord sa pitsa sa pagdihog ni Jesus ingon nga misiyas sa ika kinsi ka tuig ni Tiberius Caesar (Lukas 3:1)

Alang kanato kadto tuig sa 27 A.D. Kapin sa 500 ka mga tuig sa wala pa si Jesus moanhi, ang propeta Daniel naghatag nga si Jesus pagadihogan ingon nga Misiyas sa tuig A.D. 27.

“Gikan sa pag-issue sa decree pagtukod pagusab sa Jerusalem hangtud sa pagabut sa “usa nga dinihog”, adunay pito “kapito” ka (semana) ug 62 ka pito (Dan. 9:25)

(Pito ka semana ug 62 ka semana ni total ug 483 ka mga adlaw (7X69) = 483 ka mga adlaw. Sa tagna sa Bibliya ang usa ka adlaw katumbas sa usa ka tuig (Ezekel 4:6, numeros 14:34) busa ang 483 ka mga adlaw 483 ka mga tuig. Si Daniel nagtagna nga adunay mando sa pagpasig-uli sa pagtukod pagusab sa Jerusalem, ug tukma nga 483 ka mga tuig human niini nga mando, ang misiyas mopadayag.

Si Jesus ba mipadayag ingon nga misiyas sa gitagna nga panahon? O’o tungod kay si Artaxerses nag-issue sa balaud sa pagtukod pag-usab sa Jerusalem sa 457 B.C (Ezra 7:7 – 26). (Ang 457 B.C + 27 A.D = 484) ang balaud magpadayon sa tuig 457 ug si Kristo nadihugan panahon sa 27 A.D. busa ang tukma nga panahon mao ang 483 ka mga tuig.)

Sa maong tukma nga panahon, sa 27.A.D, si Jesus mipakita uban ang mensahe: “Ang panahon miabut na” (Marcos 1:15). Ang tukma nga pagpamatuod nga si Jesus sa Nazareth maoy tinuod nga misiyas, ang Dios sa tawhanon nga unod.

Unsa ka dugay si Jesus nagpamatuod niini nga gasa?

*“Ug siya magapamatuod sa lig-on nga tugon uban sa daghan alang sa usa ka seman: —Daniel 9:27, unang bahin.*

“kon atong i-aplicar ang adlaw-tuig nga principyo kini nga “Semana” mahimo nga pito ka tuig. Busa, sulod sa pito ka tuig-gikan sa 27A.D. ngadto sa 34 A.D. – si Jesus” magpamatuod sa pakigsaad “Tugon”, iya kining gibuhat ngadto kang Adan ug Eba human sila nagpakasala. Ang Dios naghimo’g pakigsaad, nga iyang luwason ang katawhan gikan sa sala pinaagi sa kamatayon sa usa nga iyang ipadala aron mamatay alang kanato (Genesis 3:15)

Unsay mahitabo sa tunga-tunga sa 70 ka semana?

*“Ug sa tunga-tunga sa pito (ka semana) iyang pagatapuson ang mga pagsakrpiyo ug mga paghalad.” Daniel 9:27.*

Si Jesus gilansang sa Krus sa tuig 31 A.D. “Sa tunga-tunga sa Semana” ug sa tukmang takna sa iyang kamatayon, ang Dios migisi sa table sa templo... sa duha ka bahin gikan sa taas ngadto sa ubos.” (Mateo 27: 51).

Ang sacripisyong halad pagapatyon na (ang simbolo ni Jesus” nga kordero sa Dios”) nakaikyas gekan sa mga kamot sa Pari. Kini ang ilhanan nga ang Dios wala na motugot sa tawo nga maghalad ug sakripisyo nga mananap. Katumanan sa tagna ngadto sa sinulat. Si Jesus” nagbutang ug katapusan sa “(mga paghalad) bisan unsang matang sa sakripisyo nga ihalad. Sukad sa kamatayon ni Kristo, ang katawhan nakakuha ug kadugtungan sa Dios dili pinaagi sa mananap nga paghalad ug sa tawhanon nga pari, apan pinaagi sa misiyas, ang kordero sa Dios ug atong labawng pari.

### 3. ANG KASIGUROHAN SA PINASAYLO NGA MGA SALA:

Sumala sa tagna ni Daniel, ngano nga si Jesus namatay?

*“Ang usa nga dinihog mahunong apan dili sa iyang kaugalingon”. —Daniel 9:26.*

Didto sa krus, si Jesus” Nahunong”. Siya namatay, “Apan dili sa iyang kaugalingon, “dili pagbayad sa silot alang sa iyang sala, apan ang pagbayad sa silot sa tibuok kalibutan.

Unsaon nato sa pagkahibalo nga ang Dios nagpasaylo sa tanan natong mga sala?

*“Ang pagkamatarung gikan sa Dios pinaagi sa pagtoo kang Jesu-Kristo, alang sa tanan*

*nga magatoo, kay walay kalainan sa Judio ug sa mga hentil. SANGLIT NAKASALA MAN ANG TANAN ug nakabsan sa himaya sa Dios. Sila PAGAMATARUNGAN PINAAGI SA IYANG GRASYA, ingon nga gasa, pinasikad sa pagkatinubos tungod kang Kristo Jesus, nga gitanyag sa Dios ingon nga halad pasig-uli PINAAGI SA IYANG DUGO, sa maong halad nga pagadawat PINAAGI SA PAGTOO.”—Roma 3:22-25.*

Ang punto niini nga bersikolo mao: “Kitang tanan nakasala”, apan tungod sa grasya sa Dios ang tanan namatarong, nga adunay, “Pagtoo” sa gahum sa paglimpiyo sa dugo ni Kristo. Kon kita namatarung, ang dios magdeklarar kanato nga dili sad-an, nga wala-on ang tanan natong nangaging kalapasan sa sala. Ug ang Dios magadeklarar kanato mga matarong: “Ang pagkamatarung gikan sa Dios magabut pinaagi sa pagtoo diha kang Jesu-Kristo.”

Kitang tanang nga nagkagidlay sa pagpaningkamot sa pagkamaayo, pagsukod sa atong kaugalingon, makakaplag sa tinuod nga pagpahulay sa maluloy-ong pagdawat ni Kristo. Siya nagsaad, “Umari kanako kamong tanan nga nabudlayan ug nabug-atan, ug papahulayon ko kamo” (Mateo 11:28) kitang tanang nabudlayan ug nabug-atan sa mga pangus sa nangagi ug pinaagi sa sakit sa kawalad-on ug kaulawan, makakaplag ug kalinaw diha kang Kristo.

#### 4. TAKNA NGA SUGDAN ANG PAGHUKOM

Sa Daniel Kapitulo 8 ang manulunda nagpakita sa profeta sa dako nga talan-awan sa umalabut nakita ni Daniel (1) Carnero (2) laki nga kanding (3) usa sa duha ka sungay mitubo nga gamhanan”, (Daniel 9:8,9) simbolo nga nagkahulogan: (1) medo Persia (2) Greece (3) Roma. Daniel 8:1 – 12, 20-26)

Unsa ang upat ka bahin sa tagna?

*“Hangtud kanus-a ang panan-awon mahitungod sa dayon nga halad-sinunog matuman... 2 ug siya miingon kanako: Hangtud sa daruha ka libo ug tutolo ka gatus ka mga gabii ug mga buntag, unya ang balaang puloy-anan pagalinisan.”—Daniel 8:13,14.*

Ang 2,300 ka mga adlaw, 2,300 usab ka mga tuig, ang usa ka adlaw katumbas sa usa ka tuig (Eze. 4: 6).. 70 ka semana, og 490 ka mga tuig naglakip sa unang bahin sa 2,300 ka mga tuig. Pariho ang panahon nagsugod sa tuig 457 B.C. sa dihang ang Persia nag-issue ug balaod “Pagpasig-uli pagtukod pag-usab sa Jerusalem.” Kuha-an sa 490 ka tuig gikan sa 2,300 katuig, adunay nahabilin nga 1,810. idugang ang 34 A.D. sa 1,810 adunay 1,810, adunay 1844 A.D. ka mga katuigan. Busa ang 2,300 ka mga adlaw kon tuig nagsugod sa tuig 457 B.C. ug natapus sa tuig 1844 A.D. mao kini ang gitagal nga panahon sa paglimpiyo sa langitnon nga santuaryo.

#### 5. PAGLIMPIYO SA LANGITNONG SANTUARYO USA KA PAGHUKOM.

Ang manulonda nagsulti kang Daniel nga sa 1844, sa katapusan sa 2,300 ka mga tuig.” Ang santuaryo pagalimpiyohan”, (Daniel 8:14). Apan unsay ipasabut niini? Sukad sa A.D. 70 sa dihang gigun-ob sa mga Romano ang Templo sa Jerusalem, ang katawhan sa Dios nawad-an sa templo dinhi sa yuta busa ang santuaryo pagalinisan, nga nagsugod sa 1844, nga mao ang langitnong santuaryo diin ang yutan-ong templo maoy landing ngadto sa langitnon.

Karon unsay buot ipasabut sa pagalinisan ang langitnong Santuaryo? Sa karaang Israel gitawag kini nga adlaw sa paglimpiyo sa yutan-on nga santuaryo YOMKIPPUR. Ang adlaw sa pagpasig-uli, kon adlaw sa paghukom.

Sa atong nadiskobrehan sa Giya 12, ang ginbuhaton ni Kristo alang kanato didto sa santuaryo adunay duha ka hulagway:

(1) *Ang adlaw-adlaw nga paghalad* nga gitumbok sa ministeryo sa pari diha sa unang kuarto sa templo, nga mao ang balaang dapit.

(2) *Ang tinuig nga paghalad* nga nagtumong ngadto sa labang Pari nga pagministeryo ngadto sa ikaduha nga lawak, nga mao ang labing Balaan nga Dapit. (Leviticos 16).

Sa yutan-on nga santuaryo, sa diha nga ang katawhan mangumpisal sa ilang mga sala kada adlaw, ang dugo sa gihaw nga mananap gisablig didto sa kilid/skina sa alter, dayon ibalhin ngadto sa Balaan nga Dapit (Lev. 4&6). Kini nagsimbolo, sa adlaw-adlaw nga kumpisal sa mga sala nga dad-on sa santuaryo ug pasagdan didto.

Dayon, sa matagtuig, sa adlaw sa pagpasig-ali, ang santuaryo nalinisan gikan sa tanang sala nga gikumpisal panahon sa milabay nga tuig. (Lev. 16). Aron sa pag-epikto niini nga paglinis, ang labawng Pari maghimo ug pinasahing pagsakripisyo sa gihalad nga kanding. Iya dayon dad-on and dugo didto sa labing

Balaang Dapit ug isablig kining dugo sa paglimpiyo diha sa tabon sa pagpasig-uli aron pagpakita nga ang dugo ni Jesus, ang umalabut nga man-luluwas, maoy mobayad sa silot alang sa sala.

Ang labawng pari dayon magakuha sa gikompisal nga mga sala gikan sa templo ug ibutang kini ngadto sa ulo sa laing kanding nga dad-on didto sa kamingawan aron mamatay. (Lev. 16:20).

Kini nga ceremonyas sa *tinuig nga Adlaw sa pagpasig-uli* nagalinis sa santuaryo gikonsiderar nga dili matarong ug “giputol” gikan sa “katawhan sa Dios”. (23:29).

Ang gihimo sa labawng pari nga simbolikal sa matag tuig, gihimo ni Jesus sa makausa ra alang sa tanang panahon ingon nga atong labawng pari (Heb. 9:6-12).

Sa dakung adlaw sa paghukom iyang kuhaon gikan sa santuaryo ang gikumpisal ang atong mga sala siya sa walay katapusan magapala sa atong mga sala niana nga panahon. (Acts 3:19) kini nga ministryo maoy buhat sa paghukom nga gisugdan ni Jesus sa 1844.

Sa tuig 1844 sa dihang gisugdan ang takna sa paghukom sa Dios didto sa langit, ang mensahe sa paghukom gisugdan sa pagwali sa tibuok kalibutan (Rev. 14:4-7).

Ang Giya pagdiscobre sa umalabut maoy magadala niini nga mensahe.

## 6. PAG-ATUBANG SA RECORD SA IMONG KINABUHI SA ADLAW SA PAGHUKOM.

Sukad sa 1844 si Kristo, ingon nga maghuhukom, nagsusi na sa matag record sa kadatawo nga nagpak-abuhi aron mapamatud-an kinsa ang maluwas hangtud pag-abut ni Jesus. Ingon nga atong maghuhukom “Palaon Tanan” ni Jesus ang mga sala sa mga matarung gikan sa record sa ilang kinabuhi didto sa langit. (Buhat 3:19)

Sa dihang ang imo ngalan mogawas sa paghukom, sayon ra ang pag-atubang sa record sa imong kinabuhi-kon imong gidawat si Kristo ingon nga imong halili kon puli. Ug kon ang paghukom sa mga matarung nahuman na, si Jesus mobalik dinhi sa yuta aron sa pagbalus kanila (Rev. 22:12,14).

Andam ka ba pagbalik ni Jesus? O aduna bay mga butang nga nakapatago kanimo gikan kaniya? Aduna kabay bukas ug matuod nga relasyon niadtong usa nga nagasaad kanimo:

***“Kon isugid ta ang atong mga sala siya kasalingan ug makatarunganon nga tungod niana mopasaylo siya sa atong mga sala ug magahinlo kanato gikan sa tanang pagkadili makatarunganon.”—I Juan 1:9.***

Ang pagkumpisal nagkahulogan sa pag-uyon sa pag-atubang sa atong mga sala, ang pagdawat sa kapasayloan sa Dios, ug pagdawat sa atong panginahanglan sa iyang gahum ug grasya.

Samtang nagabisita sa usa ka binilanggo sa Potsdam, si King Frederich William I, naminaw sa pila ka mga binilanggo nga nanumpa nga ang mapihigon nga maghuhukom mga kabatok nga mga saksi, ug ang mga mapasagaron ug walay tanlag nga mga abugado maoy responsabli sa ilang pagka-bilanggo.

Gikan sa usa ngadto sa usa ka bilangoan mao ra nga sugilanon sa sayop nga inocente nagpadayon.

Apan usa ka bilangoan diin usa ka binilango walay ikasulti. Natingala ang hari ug nagpasi-aw, “Akong nakita nga ikaw inocente usab,” “Dili imong kamahalan”, ang binilango mitubag,” Ako makasala ug angayan lang modawat niining tanan”.

Ang hari mitawag sa guardiya ug miingon: “Hoy, dali buhii kining lampingasan, sa dili pa niya matakdan kining mga inocenting katawhan.”

Unsaon nato pagpangandam alang sa paghukom? Unsaun nato nga maandam alang sa pagbalik ni Kristo? Walay lain kon dili ang matinudanon nga pagkumpisal diha sa kamatuoran: Angay lang nga akong dawaton ang silot sa kamatayon sa akong mga sala, apan adunay mikuha sa akong dapit ug gihatag kanako ang kahibulongang kapasayloan.

Himoa nga pakigsaad karon dayon nga bisan unsa ang mahitabo, imong huptan ang imong relasyon uban kang Kristo mata por mata sa pagkamatitud-anon, sincero ug kinasingkasing.